





# Indlovu Eyayithanda Izinto

- ✍ Judith Baker
- ✒ Wiehan de Jager
- 🖨 Zimbili Dlamini
- 💬 Zulu
- 🔊 Level 2





Siyazi ukuthi indlovu inomboko omude.




Emandulo umboko wendlovu wawumfishane.  
Wawubukeka kabi.




Kwazalwa inkonyane eyayithanda izinto.  
Yayihlala inombuzo ngezinye izilwane.



Yahlangana nendlulamithi. "Kungani unentamo  
ende?"




Ngakusasa yahlangana nobhejane. "Kungani unophondo olucijile?"



Yaphinde yahlangana nemvubu. "Kungani  
unamehlo abomvu?"




Ngoba yayithanda izinto, yafuna ukwazi ngengwenya. Ngabe ingwenya idlani ngesidlo sakusihlwa?



"Ungalokothi ubuze umbuzo onjalo!" kusho umama wayo. Yahamba inyukubele.



Ngokushesha igwababa landizela phansi,  
lahlala eduze kwendlovu. Lathi, “Ngilandele  
siye emfuleni, uzobona-ke ukuthi ingwenya  
idlani kusihlwa.”



Nangempela indlovu yalandela igwababa.



Indlovu yazimpintsha yangena emhlangeni  
yama osebeni lomfula. Iphi ingwenya pho?



“Sawubona,” kusho itshe ngasosebeni lomfula. “Yebo,” kuphendula indlovu. “Ungangitshela ukuthi ingwenya idlani ngesidlo sakusihlwa?”



"Lalela-ke, goba ngizokutshela," kuperhendula itshe. "Goba futhi, futhi," kuqhubeeka itshe. Nangempela indlovu yehlela phansi yaze."



"Ngqi!" Ikhala layo lase lise mhlathini wengwenya. "Helele! Izodla wena ingwenya ngesidlo sakusihlwa!" kutswininiza igwababa.




Indlovu yazabalaza ngemilenze yayo yangemuva eqinile, yadonsa, yadonsa, yadonsa. Ingwenya ayizange iyidedele. Ikhala lendlovu ladonseka, ladonseka, ladonseka. Dalakaxa! Yawa yashayeka ngomhlane odakeni.




Tshobe ingwenya emanzini. "Ngaze ngaphuthelwa ukudla okumnandi!"



Indlovu yabheka umboko wayo. "Maye! Ikhala lami leli, elide kangaka?"



Lalilide kangangoba lalikwazi ukufinyelela  
emagatsheni aphezulu esihlahleni.



Indlovu kwayisiza lokhu. Yayisikwazi ukuzigeza umhlane wayo ngamanzi uma ilanga lishisa.



Kusukela ngalelo langa, zonke izindlovu  
zinemiboko emide elusizo kuzona.



# Storybooks South Africa

[global-asp.github.io/storybooks-southafrica](https://global-asp.github.io/storybooks-southafrica)

## Indlovu Eyayithanda Izinto

Written by: Judith Baker

Illustrated by: Wiehan de Jager

Translated by: Zimbili Dlamini

This story originates from the African Storybook ([africanstorybook.org](http://africanstorybook.org)) and is brought to you by **Storybooks South Africa** in an effort to provide children's stories in South Africa's many languages.



This work is licensed under a Creative Commons  
[Attribution 3.0 International License](https://creativecommons.org/licenses/by/3.0/).